


Nüsc prüms vari é:

- ◆ se afidé a nosc Signur y se mët' a **perié** düc deboriada
- ◆ **informè** düta la jënt, ince cun na sëra ai 18/04 dales 20 h a La Val
- ◆ impegné i **Consëis de Cöra** dla valada
- ◆ portè inant le proiet cun le **grup de laur**
- ◆ organisé **incuntades** cun d'atres Unitês pastorales (te n pelegrinaje y barat de esperiënzes)
- ◆ arjigné ca les lites por le **nü Consëi** de dütes les Cöres
- ◆ aspetè le **decret** dl Vëscö preodü ai 01/09/2013



Oraziun por l'Unité Pastoral:

Signur, nosc Bun Famëi,
a Te afidunse nostes comunitês cristianes
sön chësc tru deboriada.
Dasse coraje da te gnì dô y da testimonié
nosta fede inçe tla vita d'al dedaincö.
Chërda tröc y de bugn colaboradus a to sorvisc
y lasci sintì Tüa presënza.
Maria, nosta uma, ciara de nos. Amen.

UNITÉ PASTORALA VAL BADIA



Plata de informaziun: Nr. 1




Deboriada söl Tru dla Fede

Gejù y i discepu de Emmaus

Gejù s'è fat pomez ai discepu sòn tru a Emmaus plègns de fistidi y al jô impara. Cun les Parores dla Scritôra ti fajôl coraje. Ai sintî tres de plü súa bona presënza y spo pro mësa l'ai conesciü, canch' al partî fora le pan benedí.

Inçe nos tles Cöres dla Val Badia unse nüsç gran fistidi por la fede y la vita tles comunitês. I sintiun tres plü la mancianza de proi y les dificolitês da dè inant la fede ai jogñ. Tröc se fej ert da vire i valurs cristians tl monn d'al dedaincö. Al devënta inçe tres plü ri da chiri colaboradus.



Cun l' "Unité Pastoral Val Badia" orunse dè vita ales Cöres

I la odun sciöche en **lian**, che unësc y che tègn sö les Cöres ti tèmps che à da gni, che ti dà sostegn söl tru dla fede, che coordinëia les ativitês y inviëia al'oraziun.



L' "Unité Pastoral" é söl tru da se organisé cun 3 vari:

- 1) le tèmپ de **preparaziun** cun n grup de laur, informaziun y l'oraziun
- 2) le tèmپ de **realisaziun** cun la lita dl Consèi nü, de n prou moderadù y grups de laur
- 3) le tèmپ dla **istituziun** ofiziala trê n decret da pert dla diozeja

**na uniuñ por mantignì comunitês vies,
olache tröpes porsones à ligrèza cun la fede,
la vir cun convinziun y
la dà inant cun amur.**

L' "Unité Pastoral" se darà da fà söl ciamp dla fede:

i un **valurs** da defëne y da sentè danü:




*familia - educaziun - solidarieté -
amur - pêsc - pordonn*

i un **porsones** da motivé y da impegné:

*tla liturgia - preparaziun al Bato,
pröma Comuniun, Crejima y Matrimone,
ti sorvisc ala comunité*

i un **la fede** da incundé y da testimonié:

*tles festes y sacramënc
tla vita soziala da vigni dé*



Sègn sunse tla pert de preparaziun cun chësc

Grup de laur: (fora de vigni Cöra)

Paul Felix Rigo	La Pli	siur Jaco Willeit	Badia
Fortunato Ferdigg	Al Plan	siur Paul Campeï	San Martin
Anneliese Zingerle	Rina	siur Heinrich Ellecosta	San Ciascian
Tone Gasser	San Martin	siur Pire Irsara	Badia
Claudia Erlacher	San Martin	siur Andreas Perathoner	Corvara
Silvester Promberger	Antermëia	siur Heinrich Perathoner	Al Plan
Emma Clara	Lungiarü	siur Franz Sottara	La Val
Annamaria Fiung	La Val		
Zeno Tolpeit	La Val	Patrizia Schwiënbacher	Balsan
Rita Pitscheider	Badia	siur Gottfried Ugolini	Balsan
Patrik Frenademetz	La Ila		
Marlis Frenademetz	San Ciascian		
Klaus Taibon	Corvara		
Alma Pizzinini	Calfosch		